

姚民哀編輯

小說霸王 上冊

靜香書屋印行

靜香書屋

小說出霸王

民哀屬
寒露

序

霸王不行于民國而懷霸王之略者乃退以小說自見不得已也惟近代文人小說汗牛充棟而民哀姚子獨能拈出某種某種在霸王之列裒輯成集以示國人不得謂姚子匪有心人也姚子乞寒雲題籤寒雲所爲今隸亦書家中之霸王也可云相得益彰周君劍雲爰喜民哀曰此集一出鞭撻一世且將一拳打碎琴南林一脚踢翻涵秋李碌碌餘子自鄮安譏予曰如君所言亦止霸耳尙未足王必也揖讓而升陳景韓衣冠來會包天笑庶幾炳然與三代同風矣豈不休哉周姚咸然予說亟錄以爲斯編之序丹翁

序

二

民哀編製屬題

說郭

丹甫



文學界美術界之曙光

滑稽畫報

滑稽畫報抱美感教育之宗旨以滑稽的思想發揮美術的旨趣敦請海上文學家葉小鳳張丹斧王鈍根嚴獨鶴等三十餘人並女士

劉韻琴吳沁蕙范冷芳等十餘人担任撰述名畫家張聿光錢病鶴

劉海粟周柏生等二十餘人担任繪圖由張光宇主任圖畫嚴謬聲

主任編輯內容分滑稽的歷史畫風俗畫理想畫技術畫新聞畫寓

意畫詩詞畫名人畫小說畫戲劇畫魔術畫裝飾畫婦女畫雜俎畫

等十四欄每期另加英文一頁畫學一頁並具六大特色(一)有高

尙的思想(二)有深邃的文學(三)有新穎的圖畫(四)有滑稽的

精神(五)有審美的觀念(六)有新思潮的灌輸月出一期僅售大

洋一角五分預定全年十二期大洋一元五角外加郵費二角四分

半年六期大洋八角外加郵費一角二分郵票代洋九五計算總發

行所上海英租界新重慶路慶餘里二街七七八號滑稽畫報社總

代售處上海麥家圈新民圖書館

小說霸王目錄

袁寒雲先生題封面

序

說 郭 (以字數多寡定次序)

言 綠衣女

社 念秧編輯家

武 悟徹上人

警 汽車……苦力

反 蒲留仙孽緣

奇 阿春

政 旅客譚

神 聖水奇譚

(丹翁)

(大覺)

(瘦蝶)

(枕亞)

(塵因)

(之子)

(小鳳)

(忍庵)

(寄塵)

至情詮
 滑稽
 稽真寶玉
 寓蝶話
 名言
 軼史虎阱餘生記
 醒私生兒
 世筆
 記四十年之我
 哲白髮夢
 理代
 軼聞屈膝縣令
 怨分飛
 情
 諷
 刺小說迷魂遊地府記

筆劄

一 萬里山永美人記

(瘦鷓)
 (恨)
 (綺緣)
 (癡萍)
 (鴛雛)
 (樸庵)
 (卓呆)
 (楚儉)
 (秋墨)
 (恨水)

(簫引樓主)

息影枝譚

(影廬)

獨樹齋見聞錄

(神州舊主)

雜纂

小隱劇談

灘迷灘簧雜論

霽庵上海大鼓書話

鄉下人說書閒評

跋

(劍雲)

補白不備載

本 書 附 告

本書將次出版之際蒙

海內外文人碩彥紛紛惠賜題序惜版已製就加入恐礙預約日期故一概割愛然諸君妙文又不忍高束茲再徵求若干篇集腋成裘另刊一小冊爲此書附贈品倘蒙 薄海同文不以葑菲見棄有以惠教不勝銘佩歡迎 惠稿寄上海英租界新重慶路慶餘里六號第三家靜香書屋收

小說霸王卷上

南沙姚民哀編輯

短篇言情

綠衣女

(大覺)

琴川劉生家世華閥工詩善飲烏衣之俊流也省親武林酬應之暇獨自幽壑行吟寒燼覓醉一日被酒遙望孤山梅花初放卽呼舟至山下步入花間花光雪映幽香襲袂負手流連不覺樂甚微嘆若得萬梅花樹擁柴門便當學作林和靖笑世間美人脂粉氣太重矣日暮欲歸則濕雲布野微雨渡頭已無舟可覓風雨漸急四顧又無一蔽身處忽聞款乃數聲枯蘆間來一瓜皮小舟操舟者一十七八綠衣女郎生卽呼渡女郎日之再始掉舟傍岸生旣登舟女郎哂曰何事獨身至此而自令狼狽若是生惟稱謝女又曰君今將奚適生曰歸矣能載我入城乎女笑曰風雨中行此修途獨不顧奴凍餒欲死耶生曰日且向夕無所投宿將奈何女默然久之欲言復止梨渦微暈語生曰奴家卽在前溪可假君一宿耳生亦唯唯俄而舟泊橫籬茅屋殊具幽致女引生入門呼曰阿

母夜飯作。未。今。有。孱。書。生。迷。途。又。遇。雨。向。我。家。借。宿。阿。母。須。多。作。一。合。飯。矣。有。老。嫗。聞。聲。出。審。視。生。生。道。來。意。嫗。命。女。啓。東。壁。門。手。檠。導。生。入。旣。而。具。飯。脫。粟。野。蔬。亦。覺。可。口。飯。罷。生。方。欲。叩。姓。氏。而。嫗。謂。生。曰。請。郎。君。安。坐。我。母。女。將。夜。作。矣。闔。戶。偕。女。入。卽。聞。機。杼。軋。軋。俄。呀。然。門。闢。女。捧。一。紫。砂。壺。瀹。茗。進。雙。袖。微。揜。臂。白。膩。可。憐。生。注。視。神。癡。女。覺。之。低。鬟。而。頰。微。笑。而。入。掩。戶。語。生。曰。請。郎。早。眠。矣。牛。感。慕。不。能。成。寐。輾。轉。至。破。曉。披。衣。啓。門。出。則。嫗。方。在。竈。下。作。飯。女。坐。窗。前。攬。鏡。挽。髻。生。曰。夜。來。疏。莽。迄。未。詢。卿。家。姓。氏。女。笑。曰。是。奚。問。爲。蓬。梗。萍。蹤。偶。然。遇。合。郎。詎。數。數。來。此。者。生。亦。遂。不。復。問。女。曰。天。已。開。霽。不。難。覓。渡。宜。早。行。我。母。女。不。能。載。郎。非。如。昨。日。旣。昏。時。矣。生。酬。以。金。不。受。強。以。翡。翠。約。指。贈。之。揖。謝。而。去。生。旣。歸。思。念。不。置。願。以。事。匆。促。離。杭。不。能。再。訪。女。卒。亦。不。知。女。爲。何。如。人。越。四。年。再。晤。之。蘭。溪。舟。中。丰。姿。倍。勝。曩。日。約。指。猶。在。指。間。見。生。嫣然。若。不。勝。情。盪。槩。去。後。遂。不。復。遇。

社會
短篇

念秧編輯家

(瘦蝶)

有巧盦者某學校之學生也。久爲海上寓公耳濡目染。遂有滑頭派家數。時海上雜誌風發雲湧。大起競爭。朝出一種。夕刊一類。無不出版。卽罄利市三倍。而一般投稿家絞腦嘔心。亦復疲於奔命。巧盦見獵心喜。思攫厚利。於是招集同志。妥定條例。組織一半月雜誌。而自居編輯。托某某社印行。諸事均有端倪。乃投函於某生而徵稿焉。

某生與巧盦固有相知之雅。顧不通音問者數年。於茲矣。得書展誦。大旨謂組織半月雜誌事宜。力挽之入社投稿。潤資當照定例。幸勿見却云云。某生念頻年落窶。巧盦則曾無寸楮來相慰藉。蓋亦淡忘久矣。今乃忽以投稿相勸耶。繼思雅有舊誼。文字因緣。其情固不可却也。因檢篋得稿數篇。復抽管爲著一二短篇畀之。

越數星期而雜誌第一期居然誕生於今世界矣。某生旣得展讀。卽致函巧盦。

謂一期潤資不妨與二期併寄毋庸急急無何而第二期又聯翩出版矣顧時值歲杪某生不暇作書取潤轉瞬新春乃投函巧盒領取函數上始獲一復片謂近已旋里社中文潤臨行時均已發給胡竟未到意者其會計員之舞弊歟容他日到申查明再覆於是遷延至三月中某生又函促數四而巧盒則守口如瓶惜墨如金惟堅持其不聞不問之態度某生無如何爰倩友人踵某某社而調查焉社中人云此雜誌爲巧盒與某君所輯社中但任刷印行銷至編輯部之事應向編者詰問社中不敢與聞乃復質諸巧盒凡數書乃獲報其潤資則又諉諸某君謂該雜誌銷行不暢僅出二期而戛然中止以是曩者發給之潤資亦遂爲某君勒指不發卽巧盒之編輯費亦無着也某生細按巧盒之覆書忽謂已寄忽又默認未寄忽謂會計員之舞弊忽又諉過於某君言詞閃爍此中殆有不可問者知其遁詞將窮遂慨然不復道一笑置之惟竊歎世衰道微人心不古編輯家乃亦有擅念秧術如巧盒其人者誠可羞已

武俠
短篇

悟徹上人

(枕亞)

少林僧拳術傳授數百年得其衣鉢者中州頗不乏人至清末而廣陵散幾以絕響以余所聞有二人焉曰嵩陽悟徹上人及其弟子無等悟徹俗姓谷少祝髮於登封縣某寺從異僧授拳術又親訪少林僧弘道彈師盡得其祕稱入室弟子歲戊戌遊京師駐錫玉泉山會政變謂人曰天下從此多事矣遂挈其徒游秦岱間會山東巡撫袁世凱禁拳匪悟徹以素善拳術被疑返京師端剛輩方羅致拳勇之士聞悟徹師弟名遣人至玉泉山道意并致重幣悟徹辭時拳匪首領方設壇宮中以幻術惑衆悟徹曰若輩自務神勇謂足以集大事然此事固非盡人所能者予出家三十年不茹葷不御婦女朝夕習鍊乃得窺門徑顧拳術祇一人敵以之禦寇盜爲防身之術則可若謂槍砲不能敵則欺人語耳以烏合之徒猝當大敵吾見其立敗耳居無何匪燄益猖獗端王親至玉泉山以弟子禮進見悟徹固辭端怒命匪黨縛而致之率數十人至悟徹謂欲與

我角技事無不可。吾所以不許王者。以若輩不足恃耳。數十人者。謂奉王命縛汝。汝勿大言。遂羣擁至前。悟徹笑曰。豎子來試吾技耶。雙手揮之。衆辟易。有仆者。遂相率羅拜。謂師固天人。吾等奉王命來此。歸無以報命。師能偕吾等見王。王或恕吾等無狀。抑且必優禮師。悟徹頷之曰。姑偕汝等往見王。以全汝等。衆皆叩首。遂擁以見王。王怒呵之曰。汝自恃其勇。不爲國家出力。今當令汝在神前跪誓。如神恕汝者。則赦汝一命。隨衆效用。自贖悟徹曰。請王少息怒。山僧今日來此。擬先與大師父角力。果力足以勝山僧者。山僧當於神前伏法。王曰。可命拳匪首領與悟徹角技。匪中所謂大師父者。遂奮臂與悟徹鬥。悟徹手不持寸鐵。大師父持鐵棍向悟徹作刺擊勢。悟徹以手撩之。棍立折爲兩段。大師父怒奮拳毆之。悟徹側身避之。以右手格之。摔其衣挾之。而舞羣匪大譟蜂起。救之。悟徹怒吼一聲。衆披靡。遂釋大師父。叱之曰。以汝等技術欲與外人爭勝。寧不誤國。大師父叩頭請悟徹爲師。指揮一切。端王亦揖而進曰。願師受爲弟子。

爲國家戮力。悟徹佯許之。請暫還山。卽夕逸。時聶士成已戰敗楊村。京師洶洶。拳匪死者死。逃者逃。悟徹問道還河南。以辛丑九月示寂於少林寺。其徒無等能詩善畫。竹有宵寒燈影瘦。霜重鼓聲稀之句。亦島廬之流也。